

# ՎԱՐԴԱՎԱՌԸ ԱՐՑԱԽՈՒՄ

Վերջերս տեղի ունեցաւ ՎարդաՎառի տօնակատարութիւնը Արցախում: Չնայած, որ նախատեսուած էր տօնակատարութիւնը անցկացնել Արցախի թեմի բոլոր եկեղեցիներում, այն տօնուեց միայն Գանձասարում. Ամարասի վանքը աւերուել էր ազերիների կողմից:

Ինչպէս գրում է «Խորհրդային Ղարաբաղ»ը, ՎարդաՎառը տօնուեց նաեւ Ստեփանակերտի թիւ 5 մանկապարտէզում: Հայ մանուկները ներկաներին նուիրեցին օծուած վարդեր, մեծ ուրախութեամբ ողջունեցին Անահիտ աստուածամօր «յայտնութիւնը» դահլիճում, որը երեխաների վրա ցանեց «սուրբ» ջուր:

Տօնակատարութեան աւարտին մանուկների կատարմամբ հնչեցին հայրենասիրական երգեր, կատարուեցին ազգային պարեր: